

7 JE, NI NANI ATAKAYEITAWALA DUNIA HATIMAYE?

Pengine itakuwa ni Marekani, Urusi, Uchina, Japani ama taifa jingine lenye nguvu? Hitla pamoja na Napoleoni walikuwa na ndoto ya kuwa dola kubwa zaidi, lakini: Maneno manne yaliyoandikwa zaidi ya miaka 2,600 iliyopita yaliwazuwia wasiwe hivyo!

1. Je, ni wapi pekee tuwezapo kupata nuru kuhusu siku zijazo? 2 Petro 1:19.

Ni Mungu pekee anayezijua siku zijazo. (Isaya 46:9,10).

UFUNUO WA AJABU JUU YA SIKU ZIJAZO:

DANIELI SURA YA 2

Nebukadneza, Mfalme wa Babeli, aliyepata kuishi kiasi cha miaka 600 Kabla ya Kristo aliota ndoto, lakini akaisahau. (Danieli 2:1). Akawaamuru wachawi na wasihiri wake ya kwamba na wamwoneshe yeye ile ndoto pamoja na tafasiri yake, lakini wao hawakuweza kufanya hilo. (Mstari wa 3). Mfalme akasaini tamko ambalo liliamuru ya kwamba wenye hekima wote wa Babeli ambao miongoni mwao alikuwamo Danieli pamoja na rafiki zake, wauawe. (Mstari wa 14). Danieli akamwomba Mfalme ampatie muda kidogo, yeye pamoja na rafiki zake walimwomba Mungu, Naye Mungu akamwonesha Danieli kila jambo. (Mistari ya 15 -19).

2. Je, ni nani pekee awezaye kuelekeza na kuifunua hatima ya mataifa? Danieli 2:20-22, 27, 28.

Danieli hata alimwonesha yule mfalme yale aliyokuwa akiyawaza moyoni pale alipokuwa amelala. (Mistari ya 29, 30).

3. Nebukadneza aliona nini katika ndoto yake? Danieli 2:31-35.

Aliona _____ kubwa sana. Kichwa chake kilikuwa cha _____;
kifua na mikono yake ya _____; tumbo lake la _____; na miguu
yake ya _____ na _____.

MAANA YA ILE NDOTO

4. Ni ufalme gani uliowakilishwa na kile kichwa cha dhahabu? Danieli 2:37 – 38.

- Ufalme huu ulikuwa ni wenye fahari kubwa. Jiji la Babeli lilikuwa na mitaa iliyopewa pambizo za miti pande zote pamoja na majumba ya kifalme yenye kupendeza sana. Bustani zake zenye kuning'inia zilikuwa ni majawapo ya maajabu saba ya dunia ile ya kale. Kiasi kikubwa cha udongo kiliwekwa katika tabaka zilizoiniuliwa na hivyo miti mikubwa iliota humo.
- Dhahabu ilikuwako kwa wingi. Katika lile hekalu kuu la Marduk kulikuwako na sanamu ya Beli na meza kubwa sana ya mita 12 x 4.5, hivyo vyote vikiwa vimetengenezwa kwa dhahabu safi yenye uzito wa kg. 23,000. Kulikuwako pia simba pamoja na sanamu vilivyotengenezwa kwa madini hiyo hiyo, ambavyo ilikuwa na kimo cha mita 5.4.
- Jiji lile lilionekana kuwa ni lisiloshindika kwa vita. Kulingana na Herodotus, mwanahistoria Mgriki,



lilizungukwa na ukuta wenye kimo cha mita 60 juu na handaki la maji lenye kina kirefu.

- *Lilikuwa na akiba ya chakula kwa miaka ipatayo 20. Jiji lilikuwa na maji kwa wingi maadamu Mto Frati ulitirika chini ya kuta zake, hata katikati ya jiji.*

5. Kifua na mikono ya fedha ikiwakilisha UMEDI-UAJEMI (538 – 331 Kabla ya Kristo). Ufalme ule ungelinganishwaje na ule uliotangulia? Mstari wa 39. _____

- *Ile mikono miwili iliwakilisha zile sehemu mbili zilizounda ufalme ule: Umedi na Uajemi.*
- *Kwa mara ya kwanza, sarafu za fedha zilitumika katika miamala ya kibiashara.*

6. Je, unabii ulisema nini juu ya ufalme huu uliowakilishwa na tumbo la shaba? Mstari 39. Sehemu hii ya sanamu iliwakilisha UYUNANI (331 – 168 K.K.)

- *Silaha zilizotumiwa na Wagriki zilitengenezwa kwa shaba nyeusi. Askari wa Kigriki waliitwa kuwa ni “askari wa shaba.”*
- *Tumbo: Alexandra Mkuu alikuwa ni mtumwa wa tumbo lake, alikufa akiwa kijana kabisa kutokana na tafrija alizozishiriki. Alexandra alikufa akiwa na umri wa miaka 32, akiwa anakunywa mzunguko wa pili wa kinywaji chenye nguvu sana, kilichokuwa ni kiasi cha lita 5 za divai. Ufalme wake hatimaye ulipasukana.*
- *Ule mng’ao wa muda wa ile shaba nyeusi ulielekea kuonyesha kuondoka kwa ule utukufu wa ufalme wake.*

7. Ule ufalme wa nne, uliofananishwa na ile miguu ya chuma, ungekuwaje? Mstari 40. _____

DOLA YA RUMI (163 K.K. – 476 B.K.)

- *Dola ya Rumi ilidumu kwa miaka 644. Ulikuwa ni utawala wenye kuparua na baridi, kama vile kilivyo chuma. Ulikuwa ni wenye ukatili na kutisha, na jambo hili laweza kuonekana katika lile jambo baya mno lililofanywa na Nero pamoja na wafalme wengine.*
- *Silaha zilizotumiwa na Warumi zilikuwa ni panga fupi za chuma.*

8. Je, ni ufalme gani huu uliowakilishwa na ile miguu ya chuma kilichochanganyika na udongo wa mfinyanzi? Mistari 41 – 43. _____

- *Kati ya karne ya nne na ya tano Dola ya Rumi iligawanyika katika sehemu 10. Ilihooftika chini ya shinikizo la makabila ya Kijerumani yaliyokuja tokea kaskazini mwa Ulaya. Hatimaye, eneo lile la Dola ya Rumi likakaliwa na Wafranka (Ufaransa), Wajerumani Ujerumani, Wa-Anglo-Saksoni (Uingereza), Walombadi (Utaliano), Wasuevi (Ureno), Wavisigothi (Uhispania) na Waburgandia (Uswisi). Waheruli, Wavandali na Waostrogothi hivi sasa hawako. Mataifa haya yote yalikuwa kwa sehemu ni yenye nguvu na kwa sehemu ni dhaifu.*
- *Wangethubutu kujiungamanisha upya kwa njia ya kuoleana kimataifa.*
- *Justiniani, Mfalme wa Mashariki, Charles V; Filipo II; Louisi XIV; Napoleoni; Wilhelm II; na Hitla walijaribu kuufikia umoja huu kwa kutumia nguvu ili kuifikia ndoto yao ya kuunda ufalme ulio mkubwa, lakini walishindwa.*

9. Je, ni maneno gani sita yaliyoandikwa katika Biblia ambayo yanatuambia ya kwamba juhudi zote za kuiunganisha Ulaya zingefeli? Mstari 43. _____

10. Je, Mungu atasimamisha kitu gani pale mataifa haya yanapojaribu kuungana? Mistari 34, 44, 45. _____

Maneno haya, “bila kazi ya mikono” humaanisha ya kwamba silo tukio la kibinadamu bali la kimbingu.

11. Je, jiwe lile lililoipiga ile sanamu lilimwakilisha nani? Matendo 4:11; 1 Wakorintho 10:4.

HITIMISHO

12. Je, ni nani atakayekuwa mtawala wa utawala wa dunia ujao? Ufunuo 11:15.

13. Sasa basi ya kwamba tukio hili la kipekee li karibu sana kutokea, ni wito gani ambao Bwana anautoa? Luka 12:40.

.....
Uamuzi wangu: Nataka niwe ninasali kwa kila siku, kwani maombi ndio uhai wa nafsi na ndio njia ya kuwasiliana pamoja na Mungu. ☐ Ndio ☐ Hapana ☐ Nahitaji maelekezo zaidi
.....